

syn. De Cand.) caule toto foliisque puberulis et praesertim calathidiis basi truncatis vel umbonatis pedunculo tereti (in *H. glabrata* apice incrassato) fultis. ☉.

1444. **KRYNITZKIA FISCH., MEY.** Calyx quinquepartitus, fructiferus clausus et cum fructu deciduus. Corolla hypocraterimorpha, tubo brevi recto; limbo quinquepartito; fauce squamulis 5. Stamina inclusa. Stylus simplex. Stigma sublobatum. Nuculae 4, distinctae, imperforatae, laevissimae, sulco longitudinali styli basi adnatae. Cotyledones indivisae. — Herba annua, piloso-hispida, diffuse ramosa, ramis sparsis, in apice caulis saepissime ternis v. oppositis; foliis sessilibus sublinearibus obtusis sparsis, ad basin ramorum superiorum vero oppositis vel ternis; calycibus sessilibus oppositifoliis deciduis!; corollis parvis apertis tamen, albis, squamulis ad faucem parvulis flavis; nuculis oblongis compressis griseis laevissimis, hinc sulco longitudinali, quocum nucula styli basi adnata est, notatis. = Genus characteribus datis ab *Echinospemo* abunde diversum, habitu ad *Cryptantham* potius accedens, a qua distinguitur corollis apertis, squamulis ad faucem, nec non nuculis per totam longitudinem sulco notatis styloque adnatis. — Hoc genus dedicavimus in memoriam clarissimi meritissimi viris defuncti Dr. Joan. Krynitzki, olim professoris Caesariae Universitatis Charkoviensis.

K. LEIOCARPA FISCH., MEY. *Echinospemum leiocarpum Indicis seminum nostri secundi* p. 36.

1550. **LIGULARIA RENIFOLIA DC.** *Prodr. VI. p. 316.* et *L. geifolia DC. ibid.* ad unam eandemque speciem pertinent.

1690. **MATRICARIA TANACETOIDES FISCH., MEY.** *Tanacetum pauciflorum Richards. in DC. Prodr. VI. p. 131. Artemisia matricarioides Less. in Linnæa 1831 p. 210. Cotula matricarioides Bong. Veg. Sitch. p. 29. — An M. discoidea DC. l. c. p. 50? — Secundum characteres a praecl. De Candolle l. c. p. 50. Matricariae generi adscriptas, nostra planta est vera hujus generis species, e prima sectione *Anactidea* dicta — Flosculi omnes con-*